

Ta Oware nọ Whọ Rọwo Kpahe Ezae nọ I re Lele Ezae Wezẹ

Ẹwẹ-obe nana o ti fiobohọ kẹ owhe riẹ oghẹrẹ nọ whọ sae rọ rọ areghẹ ta oware nọ whọ rọwo.

“Jọ eme rai e hae jọ wowou ẹsikpobi, . . . re wha riẹ epanọ wha rẹ rọ kẹ ohwo kpobi uyo.”

—Ahwo Kọlọsi 4:6.

1

“Ehre Ebaibol i kiekpo no!”

?

RE WHỌ TẸ TE KPAHE ẸME, RIẸ NỌ:

Ẹsejọ nọ ahwo a tẹ ta nọ ehre Ebaibol i kiekpo no, oware nọ o **ginẹ** rrọ ai iroro họ, oware nọ Ebaibol ọ ta u wo ohẹriẹ no onọ a gwọlọ. Kọ who roro nọ ohwo nọ who bi lele ta ẹme na o roro nọ ehre **kpobi** nọ e rrọ Ebaibol na i kiekpo no—wọhọ who tho uji, bruẹnwae, hayo kpe ohwo ho?—Ahwo Rom 13:8-10.



Eme o sae jọnọ o wha riẹ ze nọ ohwo na o ro wo iroro yena?

Enọ ẹfa vẹ whọ rẹ sae gbẹ nọ re whọ riẹ oware nọ o rrọ ohwo na iroro

Eria Ebaibol vẹ i ti kie kpahe ẹme na?

KERE ẸME NỌ WHỌ TE KPAHE KẸE FIHỌ OTỌ

“Ehre Ebaibol i
kiekpo no!”

“Ahwo jọ a rẹ ginẹ ta ere. Rekọ mẹ rọwo ere he keme . . .”

“Ezae nọ i re lele ezae weze a sai nwene he—ere a ro yẹ ai.”

?

RE WHỌ TẸ TE KPAHE ẸME, RIẸ NỌ:

Ebaibol na ọ ta ha sọ a re yẹ ohwo avọ uruemu utioye. Fikiere, ukpenọ who re lele ohwo na vravro kpahe oware nọ o be **whae ze** nọ ezae i bi ro lele ezae weze, tẹrovi **uruemu** na.

Roro kpahe oware jọ nọ whọ sae rọ wawo iye. Iruemu efa vẹ e rẹ sae jọ bẹbẹ re ohwo o nwene? Wọhọ oriruo, Itẹ 29:22 o ta nọ ahwo jọ yọ ahwo “**ofu**” gbe “**ogbaofuomu**.” Pọl ukọ na dede ọ tubẹ ta kpahe omariẹ nọ: “Nọ mẹ tẹ gwọlọ ru oware nọ u kiehọ, kọ oware uyoma me re ru.” (Ahwo Rom 7:21) Kọ oware kpobi nọ oma mai o wọ omai nọ ma ru ma re gine ru?

Eme o sae jọnọ o wha riẹ ze nọ ohwo na o ro wo iroro itieye na?

Enọ efa vẹ whọ rẹ sae gbẹ nọ re whọ riẹ oware nọ o rrọ ohwo na iroro?

Eria Ebaibol vẹ i ti kie kpahe ẹme na?

KERE ẸME NỌ WHỌ TE KPAHE KẸE FIHỌ OTỌ

“Ezae nọ i re lele ezae weze a sai nwene he—ere a ro yẹ ai.”

“Ebaibol na ọ ta ha sọ a re yẹ ohwo avọ uruemu utioye. Oware nọ **ọ ta** họ . . .”

“Nwene oghere nọ who rri
uruemu ezae nọ i re
lele ezae weze.”

RE WHỌ TẸ TE KPAHE ẸME, RIẸ NỌ:

Kọ o sae jọnọ ohwo nana o wo
omoni hayo ogbenyusu jọ nọ ọ rọ
ohwo otioye? Kọ ohwo na o bi roro
nọ o te mukpahe uruemu na yọ o
mukpahe **ohwo** nọ o wo **uruemu** na?
Kọ ohwo na o gine wo **otoriẹ** epanọ
uruemu ezae nọ i re lele ezae weze o
rọ owhe oma?

Oforiẹ: Kọ amọfa a tẹ be gwọlọ nọ
who nwene eriwo ra re ọ rọwo kugbe
orai yọ a bi dhesẹ ororokẹ?



Eme o sae jọnọ o wha riẹ ze nọ
ohwo na o ro wo iroro yena?

Enọ efa vẹ whọ rẹ sae gbẹ nọ
re whọ riẹ oware nọ o rọ ohwo
na iroro?

Eria Ebaibol vẹ i ti kie kpahe
eme na?

KERE ẸME NỌ WHỌ TE KPAHE KẸE FIHỌ OTỌ

“Nwene oghere nọ who bi
rri ezae nọ i re lele ezae
weze.”

“Mẹ riẹ oware nọ o rọ rọ owhe oma ere na. Ghele na, . . .”

Rọkẹ evuẹ efa, rri obe *Questions Young People Ask—Answers That Work*, Uko 1, uzou avọ 23: “How Can I Explain the Bible’s View of Homosexuality?” Whọ rẹ sae jọ www.jw.org ruẹ e riẹ. Rri otọ oria EBE GBE
EWARE EFA > EBE GBE IBROSHỌ.